

r. Coesfeld
Nachträge

S 54

1295 Juni 22.

Johannes von Korrich und seine Frau Ida verkaufen dem Th. von Neuerburg ihren Besitz in den genannten Dörfern.

Ego Johannes, filius quondam Johannis de Korrich armigeri, et ego Ida eius mater notum facimus universis presencia visuris, quod accedente consensu et voluntate omnium heredum et coheredum nostrorum vendidimus et vendidisse nos protestamur nobili viro domicello Th. de Novo Castro, domino de Brandenberch, omnem hereditatem nostram ad nos spectantem hereditarie in villis de Ingendorf, de Leuysh et Merkedeit, quam ab eodem homagii ac feodi nomine tenebamus, videlicet pro centum libris Treverensium denariorum legalium, de qua summa nobis ante confectionem presencium exstitit integraliter satisfactum ab eodem; quocirca renunciamus actioni doli mali et omnibus, que contra premissam vendicionem dicere possemus in futurum. Huius enim vendicionis et renunciacionis nostre testes sunt a nobis requisiti et vocati dominus Soyerus de Bursheit, justiciarius nobilium comitatus de Lucelb(urg), dominus F. de Novo Castro, R. dominus de Oseldengen, Sy(mon) dominus de Keile dapifer, L. dominus de Gyrs milites; Willelmus de Aycspelt, pater prepositi, Ludeger et Warnerus dictus Nayldenter antiquus. In cuius rei testimonium presentes litteras sigillo predicti domini Soyeri justiciarii nostris precibus fecimus communiri. Et nos Soyerus, dominus de Boirsheit, justiciarius predictus, ad preces predictorum Johannis et Ide sigillum nostrum presentibus litteris duximus appendendum in testimonium veritatis et protestamur, ipsum Johannem ad annos discretionis complete pervenisse, quod dictam vendicionem facere potuit cum debita firmitate. Ipse enim Johannes ipsi Th. guarandiam facere coram nobis promisit legitimam, debitam et consuetam. Datum anno Domini M^oCC^o nonagesimo quinto, feria quarta ante nativitatem beati Johannis baptiste, mense Junio.

Orig. Siegelrest. — Bettingen Nr. 9.

[2

54